

JZU Zavod za bolesti ovisnosti  
Zeničko-dobojskog kantona



# VODIČ ZA SMJEŠTAJ PACIJENATA ZAVODA ZA BOLESTI OVISNOSTI ZDK U TERAPIJSKE ZAJEDNICE





**Izdavač:**

JZU Zavod za bolesti ovisnosti Zeničko-dobojskog kantona

**Za izdavača:**

prim. mr. sci. Amir dr. Čustović, spec. neuropsihijatrije

Adresa: Aska Borića 28A, 72000 Zenica

tel.: 032/244-544 032/444-910

web: **www.zedo-ovisnost.ba**

email: zavodzaovisnosti@gmail.com

**Naslov:**

**VODIČ ZA SMJEŠTAJ PACIJENATA ZAVODA ZA  
BOLESTI OVISNOSTI ZDK U TERAPIJSKE ZAJEDNICE**

**Autori:**

Eldina Selimović-Džano, mag. iur., dipl. soc. pedagog

Lejla Šaćirović, MA psihologije

**Odjeljenje za rehabilitaciju i resocijalizaciju**

**Štampa:** Format Zenica

**Tiraž:** 100

**Godina izdanja:** decembar, 2024. godine



# SADRŽAJ

<b>UVODNA RIJEČ</b>	<b>5</b>
<b>UVOD</b>	<b>7</b>
<b>SMJEŠTAJ U USTANOVE - TERAPIJSKE ZAJEDNICE</b>	<b>9</b>
<b>POSTUPAK SMJEŠTAJA LICA OVISNIH O PSIHOAKTIVNIM SUPSTANCAMA U USTANOVE - TERAPIJSKE ZAJEDNICE</b>	<b>10</b>
<b>POTREBNA DOKUMENTACIJA OD STRANE PACIJENATA ZAVODA</b>	<b>11</b>
<b>POSTUPAK DONOŠENJA RJEŠENJA OD STRANE OPĆINSKOG PRVOSTEPENOG ORGANA</b>	<b>12</b>
<b>EVIDENCIJA O PACIJENTIMA PRAVA NA SMJEŠTAJ U TERAPIJSKIM ZAJEDNICAMA</b>	<b>13</b>
<b>PRILOZI</b>	<b>14</b>



[www.zedo-ovisnost.ba](http://www.zedo-ovisnost.ba)





## UVODNA RIJEČ

Poštovani,

Pred Vama je Vodič za smještaj pacijenata JZU Zavod za bolesti ovisnosti ZDK u terapijske zajednice. Ovaj Vodič je rezultat truda Odjeljenja za rehabilitaciju i resocijalizaciju s ciljem da pacijenti Zavoda imaju na jednom mjestu jasnu i cjelovitu sliku o mogućnostima za nastavak njihovog tretmana i rehabilitacije u terapijskim zajednicama s kojima Zavod saraduje.

U sklopu ovog Vodiča pacijentima i saradnicima u liječenju date su jasne informacije o tome šta je to terapijska zajednica, kako izgleda proces rehabilitacije u njoj, te su prikazane procedure kako pacijent može ostvariti svoje pravo na odlazak u terapijsku zajednicu.

Pored svakodnevne uspješne saradnje sa pacijentima Zavoda i terapijskim zajednicama, Zavod objavljivanjem ovog Vodiča ostavlja trag o onome što se radi tokom provođenja tretmana bolesti ovisnosti i rehabilitacije i resocijalizacije.

Nadamo se da će ovaj Vodič potaknuti pacijente da se lakše odluče na iskorak u svom liječenju i svoj proces rehabilitacije nastave u nekoj od terapijskih zajednica koje su predstavljene u ovom Vodiču.

Zenica, decembar 2024. godine

DIREKTOR  
Prim. mr. sci. Amir dr. Čustović,  
specijalista neuropsihijatar



**JZU ZAVOD ZA BOLESTI OVISNOSTI  
ZENIČKO-DOBOJSKOG KANTONA**





## UVOD

Liječenje ovisnosti je proces koji zahtijeva različit pristup za svakog pojedinca jer ovisi o brojnim individualnim karakteristikama. Uvijek je to dugotrajan proces koji je za pojedine ovisnike i doživotan. Pored psihosocijalnih intervencija koje se u tretmanu kontinuirano primjenjuju u Javnoj zdravstvenoj ustanovi Zavod za bolesti ovisnosti ZDK (u daljem tekstu: Zavod za bolesti ovisnosti), rad na motivaciji pacijenata za odlazak u terapijske zajednice predstavlja značajan aspekt tretmana obzirom da podrazumijeva osnaživanje pacijenta za nastavak tretmana van ustanove u kojoj je tretman započet.

Koncept terapijske zajednice predstavlja značajnu i učinkovitu metodu u liječenju bolesti ovisnosti. Ovakav vid liječenja temelji se na principima demokratije, permisivnosti, zajedništva i suočavanja sa realnim izazovima svakodnevnog života što ovisnike priprema za samostalan život nakon izlaska iz terapijske zajednice.

Zavod za bolesti ovisnosti, a u sklopu Odjeljenja za rehabilitaciju i resocijalizaciju saradnju sa terapijskim zajednicima ostvaruje na osnovu potpisanog Ugovora Ministarstva za rad, socijalnu politiku i izbjeglice Zeničko-dobojskog kantona i terapijskim zajednicima (finansiranje smještaja snosi Ministarstvo). Zavod je inicirao ovakvo rješenje, a koje predstavlja pozitivan primjer daljeg tretmana.



U periodu od 2009. do 2024. godine Zavod za bolesti ovisnosti je sarađivao sa četiri terapijske zajednice, a neke od njih su u međuvremenu prestale sa radom. Trenutno, Zavod za bolesti ovisnosti ostvaruje uspješnu saradnju sa dvije terapijske zajednice (CROPS Smoluća kod Tuzle i Marjanovac kod Banja Luke), a stvorene su perspektive i na širenje saradnje i sa drugim terapijskim zajednicama van granica Bosne i Hercegovine.

U periodu od 2009. godine do decembra 2024. godine, Stručni tim Zavoda za bolesti ovisnosti je uspješno osnažio, motivisao i uputio 184 pacijenta na dalji sociorehabilitacioni tretman u terapijske zajednice.





# 1. SMJEŠTAJ U USTANOVE - TERAPIJSKE ZAJEDNICE

Odjeljenje za rehabilitaciju i resocijalizaciju Zavoda za bolesti ovisnosti provodi kompletan prethodni postupak smještaja pacijenata Zavoda u terapijsku zajednicu u saradnji sa nadležnim ministarstvom i centrima za socijalni rad odnosno nadležnim općinskim službama za poslove socijalne zaštite. Pacijent koji se dobrovoljno uključio u tretman socijalne rehabilitacije, resocijalizacije i reintegracije, a koji u potpunosti saraduje u procesu tretmana, a nalazi se u stanju socijalne potrebe ima pravo biti smješten u ustanovu-terapijsku zajednicu u skladu sa članom 55. stav 2. Zakona o socijalnoj zaštiti, zaštiti civilnih žrtava rata, zaštite porodica sa djecom („Službene novine Zeničko-dobojskog kantona“, broj: 13/07, 13/11, 03/15, 02/16, 16/22, 08/24).

Smještaj u terapijsku zajednicu može ostvariti lice ovisno o psihoaktivnim supstancama (u skladu sa članom 55. stav 2. Zakona o socijalnoj zaštiti, zaštiti civilnih žrtava rata i zaštiti porodice sa djecom pod sljedećim uvjetima:

- da je registrovano kao ovisnik o psihoaktivnim supstancama;
- da se dobrovoljno uključilo u tretman socijalne rehabilitacije, resocijalizacije i reintegracije;
- da u potpunosti saraduje u trajanju tretmana;
- da se nalazi u stanju socijalne potrebe;
- da ima preporuku za smještaj, od kantonalne ustanove za borbu protiv bolesti ovisnosti u kojoj je registrovano, ovjerenu od stručnog tima takve ustanove (socijalni radnik, psihijatar i psiholog).



## **2. POSTUPAK SMJEŠTAJA LICA OVISNIH O PSIHOAKTIVNIM SUPSTANCAMA U USTANOVE - TERAPIJSKE ZAJEDNICE**

Prethodni postupak do podnošenja zahtjeva općinskom prvostepenom organu provodi Zavod za bolesti ovisnosti na sljedeći način:

- Stručni tim Zavoda za pacijente koje se nalaze na evidenciji Zavoda, a koji su iskazali volju da se uključe u tretman i koji su prošli tretman na Odjelu za stacionarni tretman Detoks prema procjeni daje preporuku za smještaj u terapijsku zajednicu;
- Zavod će posredovati u obezbjeđenju mjesta u terapijskoj zajednici sa kojom Ministarstvo ima potpisan ugovor;
- Zavod će tražiti saglasnost nadležnog ministarstva za smještaj ovisnika uz priloženu preporuku i potvrdu o smještaju u terapijsku zajednicu.



### 3. POTREBNA DOKUMENTACIJA OD STRANE PACIJENATA ZAVODA

Uz prilaganje propisane dokumentacije i potpisanim zahtjevom sa smještaj u ustanovu-terapijsku zajednicu započinje proces smještaja.

Pacijent Zavoda koji je motivisan i iskazao je potrebu za nastavkom rehabilitacionog tretmana, a prije odlaska i smještaja u terapijsku zajednicu dužan je dostaviti sljedeću dokumentaciju:

- Ovjerena kopija lične karte za osobu koja se smješta u terapijsku zajednicu (ovjerena kopija);
- Kopija zahtjeva za prijavu-odjavu prebivališta / boravišta, obrazac PBA-1 (izdata od strane MUP-a);
- Potpisani zahtjev za smještaj u ustanovu-terapijsku zajednicu (zahtjev čini sastavni dio ovog vodiča, a može se preuzeti kod stručnih saradnika Odjeljenja za rehabilitaciju i resocijalizaciju ili na zvaničnoj web stranici Zavoda za bolesti ovisnosti).



## 4. POSTUPAK DONOŠENJA RJEŠENJA OD STRANE OPĆINSKOG PRVOSTEPENOG ORGANA

Prije nego što općinski prvostepeni organ preduzme ma koju radnju radi vođenja postupka po zahtjevu stranke, dužan je provjeriti da li je u konkretnom slučaju proveden prethodni postupak od strane Zavoda za bolesti ovisnosti Zeničko-dobojskog kantona.

- Općinski prvostepeni organ pokreće postupak za priznavanje prava na smještaj u terapijsku zajednicu na zahtjev Zavod za bolesti ovisnosti Zeničko-dobojskog kantona po ovlaštenju pacijenta Zavoda prema propisanom obrascu;
- Obrazac zahtjeva OB. MRSPI-TZ čini sastavni dio ovog Vodiča.
- Obrazac rješenja o priznavanju prava na smještaj u terapijsku zajednicu OB. MRSPI-TZ 1

Općinski prvostepeni organ će donijeti rješenje o smještaju i troškovima smještaja, a kada prethodne utvrde da je uz zahtjev priložena preporuka Zavoda za bolesti ovisnosti Zeničko-dobojskog kantona, potvrda o smještaju u terapijsku zajednicu, saglasnost nadležnog ministarstva, ovjerena kopija lične karte i dokaz o prebivalištu. Smještaj u terapijsku zajednicu vodi se prema odredbama člana 55. stav 2. Zakona, odnosno bez utvrđivanja imovinskog cenzusa kako je to propisano za smještaj u ostale ustanove socijalne zaštite.



## 5. EVIDENCIJA O PACIJENTIMA PRAVA NA SMJEŠTAJ U TERAPIJSKIM ZAJEDNICAMA

Općinski prvostepeni organi i Odjeljenje za rehabilitaciju i resocijalizaciju Zavoda vode evidenciju o pacijentima Zavoda koja sadrži podatke, i to:

- ime, ime jednog roditelja i prezime;
- jedinstveni matični broj građanina;
- datum i mjesto rođenja;
- adresa stanovanja;
- broj i datum rješenja;
- naziv terapijske zajednice u koju se smješta;
- početak i prestanak korištenja prava.

Općinski prvostepeni organi u saradnji sa stručnim saradnicima Odjeljenja za rehabilitaciju i resocijalizacija odgovorni su za praćenje i evidentiranje svih promjena od uticaja na ostvarivanje prava korisnika i o promjenama dužni obavijestiti nadležno ministarstvo.

O prestanku smještaja općinski prvostepeni organi će donijeti rješenje.



## 6. PRILOZI

OB MRSPI - TZ

\_\_\_\_\_ (Ime, ime jednog roditelja i prezime podnosioca zahtjeva)

--	--	--	--	--	--	--	--	--	--	--	--

JMB (jedinstveni matični broj)

--	--	--	--	--	--	--	--	--	--	--	--

Broj lične karte

Mjesto izdavanja: \_\_\_\_\_

\_\_\_\_\_ (Adresa prebivališta i broj telefona)

JU Centar za socijalni rad \_\_\_\_\_

Općina \_\_\_\_\_ Služba \_\_\_\_\_

### **ZAHTJEV** **za smještaj u ustanovu - terapijsku zajednicu**

Smještaj osobe: \_\_\_\_\_ rođen/a \_\_\_\_\_ . godine

Zahtjev za smještaj u ustanovu - terapijsku zajednicu podnosim iz sljedećih razloga:

---

---

---

---

---

Datum \_\_\_\_\_

Potpis podnosioca zahtjeva

\_\_\_\_\_

#### **Potrebna dokumentacija za razmatranje i odlučivanje po zahtjevu, prilaže se:**

1. Ovjereni kopiji lične karte za osobu koja se smješta u terapijsku zajednicu odnosno izvod iz matične knjige rođenih za maloljetnu osobu,
2. Kopija zahtjeva za prijavu - odjavu prebivališta/boravišta, obrazac PBA -1 (izdata od MUP-a),
3. Preporuka Kantonalnog zavoda za borbu protiv ovisnosti,
4. Potvrda od strane terapijske zajednice o prihvatu korisnika,  
Saglasnost Ministarstva za rad, socijalnu politiku i izbjeglice Zeničko-dobojskog kantona o snošenju troškova smještaja u terapijsku zajednicu,
5. troškova smještaja u terapijsku zajednicu,  
(Napomena: Dokumente pod 3, 4 i 5 obezbjeđuje Kantonalni zavod za borbu protiv ovisnosti).

MOŽEŠ  
POBIJEDITI  
AKO TO  
ŽELIŠ





JAVNA ZDRAVSTVENA USTANOVA  
ZAVOD ZA BOLESTI OVISNOSTI  
ZENIČKO-DOBOJSKOG KANTONA

Zenica, Aska Borića 28  
Tel. 032 244 544, 032 201 320, 032 201 321  
Fax: 032 201 322  
[www.zedo-ovisnost.ba](http://www.zedo-ovisnost.ba)  
e-mail: [zdkovisnosti@bih.net.ba](mailto:zdkovisnosti@bih.net.ba)